

22159

Mag. St. Dr. P

III

*episcopus Sessensis*

*Matieki Bartholom. Casimiri: Votivum melos.*

PANEG. et VITAE

Polon. Fol.

Æ. 1588



V

I

E

S

d

pra

M.

I



# VOTIVVM MELOS

ILLVSTRISSIMO & REVERENDISSIMO DOMINO

## D. HIERONYMO

De Magna Chrzastow

## WIERZBOWSKI

DEI & Apostolicæ Sedis Gratiâ

### EPISCOPO FESSENSI

SVFFRAGANEO, PRÆPOSITO,

& OFFICIALI GENERALI POSNANIENSI

dum primùm Episcopali Tiarâ insigniretur  
præfataq; Diœcesis gloriosus Suffraganeus denuntiaretur

<sup>a</sup>  
MV SIS LVBRANSCIANIS

DECANTATVM.

& per

M. BARTHOLOMÆVM CASIMIRVM MALICKI, Phil: Doct:  
*atq; in Alma Academia Posnaniensi*

Collegij Lubransciani Pœseos Professore.

nec non Conturbernij Szodłdrsciani Præfectum.

### PROMVLGATVM

Anno

Dulce Melos ex quo produxit In æere Verbum

1603

---

POSNANIÆ.

Typis Adm: Rūdi D. ALBERTI LAKTANSKI.



IN GENTILITIVM STEMMA  
JLLVSTRISSIMI PRÆSVLIS.




22159 III

Si quæris quisquam SOLEÆ quid cum CRVCE nexûs?  
Doctrinæ SOLEA est, CRVXq; salutis opus.  
Nempe erat hac Musis olim Parnassus apertus  
Possidet hinc illam WIERZBOVIANA Domus.  
Atquæ vbi WIERZBOVII hostiles strauere cateruas,  
Vngula quæis rapidi pectora fregit equi,  
Cum CRVCE perueniens illuc WIERBOWSCIVS ALES  
Sacratæ fidei dogmata clara tulit.



pro  
Etib  
quid  
ma:  
sars  
sis  
per  
mu  
fren  
sum  
Pad  
tium  
uita  
enim  
caro  
sun  
Tuo  
sis  
dat  
lust  
exop





A D

Illustrissimum & Reuerendissimum Dñum  
D. HIERONYMV  
WIERZBOWSKI  
EPISCOPVM FESSENSEM.



*Effecit hoc irriguus extra fabulas de Gentilitijs dotibus Tuis placidâ quadam virtutum omnisque beneuolentiæ malaciâ in cunctos profluens amnis, ut nisi quoque Lubransciana Musa augustissimo nomini Tuo recenter Episcopalem scandenti curulem nedum vocales ast tributarias se se fateantur, vel proprosum Icaria redordiantur sonitum ruinæ, vel Tantaleis obruantur fluitibus, iure necessum sit. Illustrissime & Reuerendissime Antistes. Guttam quidem Oceano aut minutissimam arenam Olympo subijcio, cum impares maximis Tuis laudibus minimus Lubransciani Præses Parnassi instruo Musas; ed tamen securius à cæpta industria non deuo, quod perspicacius gloriosis Tuis operibus etiam eminentissimorum præconum inferiora elogia comperio. Manasse olim sudore ob insuetam Alexandri præsentiam Orphæi simulacrum fabulosa testatur antiquitas; at mihi in limpida laudum Tuarum freta fragili verborum cymba eluctanti ne ad ripam quidem transse concessum esset, si non eximia Tuæ beneuolentiæ transtra scandenti. Quippe nec Pactolo suam æstimationem, nisi ab aureo fundo; nec Gangi quodquam pretium, nisi à gemmifera arena; nec Musis meis quampiam cognosco inesse suauitatem, nisi suauem Illustrissimi Nominis Tui dulcedinem occinentibus. Cum enim Pegaseum Natali origine insigne possideas, quoties vel diras rupes calcare volueris, toties harmonicas ad nouam Bæotiam conuocabis Sicelides iucundiori in dies plausu Tibi per æuum cantaturas. Quia tamen ex Gentilitio Tuo insigni Lubransciani Charitibus iam iam hostili ferocitate prope suppressis & rursus surgere & dulcia quæque sugere benignâ cælorum ordinatione datum est: ne magis dedecorum sit odisse quàm non nouisse, Tu quoque Illustrissime Præsul celeberrimæ Domûs Tuæ Heliconem fauens cognosce, & ad exoptatos pridemq; Virtutibus Tuis debitos honores inter tot canoros plaudentium*



dentium votorum sonos gratum modulari concede. Equidem dissonum hoc me-  
 los vix angustis perceptibile respondet casis, nihilominus magnorum Tuorum  
 operum ubiq; stillante rore edusq; canorum sonabit, donec angustis quibus  
 uis percipiatur gazis. Patere ergo Illustrissime Antistes exiles has camœnas  
 spatioso orbi patere, & quò placidiùs illustrem Magnanimitatis Tuae famam  
 longæuis lustris per posthumam decantent memoriam, primus eas benignis au-  
 ribus oculisq; Tuis lustra & illustra. Atque cum iam nitidus gloriosâ candi-  
 dorum Nisus Eurialorum cinctus coronâ sidereo Episcopalis dignitatis ungeo-  
 ris nectare, mihi cantaturas illustre hoc Tuum decus Musas permitte har-  
 monicis choris nectere. Profluet resonabilis tantæ Tuae præminentie Echo  
 cis ultima maris Adriatici ora, quam Castalius amnis Gentilitiâ Tuâ Pega-  
 seæ non absimili Soleâ de arida rursus leuatus sterilitate plenis semper alueis  
 propellet: quinimò salutiferam Illustrissimæ Domûs Tuae deportans Crucem,  
 dulci plausu Africanis repletis sedibus ( ex quibus prælustis hæc Fessensis  
 in Tuo capite illuxit Mitra ) suauioribus gyris identidem totius Vniuersima  
 replebit. Dudum Te exotici honores non exoticum sed Ciuem sibi fieri ambie-  
 ebant, imò ipsum Orbis caput Roma de tenero ungue Tuo Magnanimum  
 Te non vanè cognoscens fore Leonem suis profuturum immunitatibus præsa-  
 giebat optabatq;. At verò iam nunc quarens non quæsitus honos diuturno Te  
 persecutus studio tandem applaudentibus cunctis Africanâ prouectus Mitrà  
 assecutus, non modicum victoriosa lucta suæ in corde Orthodoxorum trium-  
 phum genuit. Procede eburnâ hâc Curuli, quò Te non vulgaria fata benigno  
 traxere consilio; sic tamen peregrinis medere honoribus, ut illis magnam dun-  
 taxat Nominis Maiestatem partiens, Patriæ nobisq; magno pro Te zelan-  
 tibus voto salutiferam Tuam præsentiam semper domesticus Antistes breuiq;  
 inuitantis iam Reipub. Polonæ gloriosus Senator impertias, attribuas. Et quo-  
 niam in tam remoto terrarum culmine dudum iam celeberrimum Nomen  
 Tuum non peregrinat tantum, sed has sublimes peragrat dignitates, iners  
 ego Theseus candidæ huic operum Tuorum Ariadnæ ( gloriosam intelligo fa-  
 mam ) comites tantum triumphum orbi cantaturas accingens Musas à bene-  
 uolentissima Tua comitate auspiciatissimam originem sumo.

Illustrissimæ & Reuerendissimæ Celsitudinis Tux

Cliens deditissimus

B. G. M. P. D. & P.



# MODVLAMEN MVSARUM

**T**Orpentes animi scopula: in rupe sedentes  
 Membraque odorato sine tam diu languida fonte  
 Florida post tetrum tempus primordia sumunt,  
 Hactenus infuetos & mens vult pandere plausus,  
 Persuaves facili promanant ore camoenæ,  
 Castalius riuus cum nostras irrigat oras  
 Restituens vires Baiano dulcius amne.

Quid subito exortum, superi quæ gratia cæli?  
 Aridus vnde Helicon potuit desumere rorem?  
 Pegasides tantis cum negligat vngula lustris.

Tu resera dubium nobis hoc Augur Apollo,  
 Solicitasque bonis rumoribus instrue mentes.

Pandite Siceelides dulcissima vota sorores  
 Fingite iucundo tremulas modulamine voces,  
 Latificus latum procedat plausus in orbem,  
 Quem meruit vobisque dedit WIEZBOVSCIUS Ales.  
 Aruit in vestris dudum Hippocrenæ camoenis  
 Nec erat vnde sonus mundo formetur amœnus.

Et mihi dulciloquos citharâ non psallere cantus  
 Sisyphio grauior crescebat pondere carcer.

Vtque sitibundus fugitiuos Tantalus a mnes  
 Captat, & in medio frustratur gurgite potus;  
 Tangere sic citharam optabant mea plectra sonoram  
 Atque expectatos orbi resonare triumphos.

Sed Parnassus inops roris modulamina clausit  
 Harmonico nequiens chordas mundare liquore.

Ast iam vestra hodie Mulsæ Boeotia felix,  
 Fortunata dies peperit quæ hæc gaudia secum.

Nominis hinc vestri plenissimus alueus ibit,  
 Sistere nec poterit cunctis hæc gloria sæclis,  
 Et faustum hoc tempus totum procedet in ævum.

Scilicet in vestris riguis fons aruit oris  
 Depositique animi documenta famelica stabant.

Sed gaudete nouum genuit cum Bellerophontem  
 WIERZBOVIANA Domus, qui scandens alta decorum  
 Pegaseum manibus proprijs insigne tenendo  
 Tellurem vestram pedibus calcavit amandis.



Et siccum fontem Soleâ percussit amoena,  
Diluviumq; amnis conclusi dulce refecit.

Vobis Pierides abiecta hinc corda resurgunt,  
Et desueti animi plausum coguntur in altum.

Sed cur in clavis perplexius hæreo rebus?  
Gaudia qui peperit, en in altum proficit Author,  
Diuque sibi proprios nunc felix scandit honores.

Ergo non segnes solitos assumite cantus  
Enarrate diem votis felicibus alnum  
Dum vires annique sinunt tolerate labores  
Vobisque ingenitum munus præbete Polono  
Orbi, immortalem digno celebrando decore.

Ocyus ad plausus animos conuertite vestros  
Lætitia Authoris per totam mittite terram  
Nomen dulciferum, magnasque stupefcite dotes.

Orem victuris animis cedroque notandam  
Mentibus attonitis blandus quam tradis Apollo.

Excussum Soleâ Parnassum WIERZBOVIANA  
Noscinus ex dictis per apertos currere campos.

Hic nos Tantaleo solitus seducere potu  
Aridus existens referato gurgito totus.

Sed iam festa dies cunctis celebranda diebus  
Venit, cum ad Tiaram Præsul dignissimus iret,  
Natiuâ obtusam Soleâ pertingere rupem  
Tardauit minimè, fluat vt decus inde suarum  
Amplè virtutum, nec posthuma sæcula linquat.

Nec mora quod suades animos mutamus in altas  
Nomini huic voces, alacri omnes psallimus ore.

Det tuba clangentem sonitum procul ære canoro  
Tuque chelim nobiscum Orphæu plecte sonoram  
Vt iuuenum atq; senū cum plausibus agmina currant.

Si tibi tangenti citharam nemus ire paratum,  
Et duri lapides non tardant ducere choros  
Cur non Sarmaticæ gentis prænobile germen  
Victa tui plausus modulamine corda parabit?  
Præsulis & famam per suauia vota resoluet  
Vocibus ac dignum lætis Antistite tanto  
Io clamabit, nomen venerando vetustum,  
Quod diuturna Viros genuit per sæcula Magnos  
Ardua celsarum virtutum culmina scandens,  
Et natua velut retinens sublimia honorum  
Possedit folia, ac altos committere fasces

Cui



Cui voluit, valuit. Sed non hîc meta decorum:  
Noscit nam hæc extra Patrios erumpere fines,  
Et vix Herculeis crescendo Gadibus impar  
Ultima protensi mundi confinia tentat.

Prodeat huc cunctorum oculis Iastrzebius ille  
Extrabat proprio gratus qui nomine cunctis,  
Scilicet ex Superum suggestu GRATIA dictus.

Quem fugit immensum virtutis pondus in hocce?  
Non nisi iudicio cui virtus fugit ab alto.

Ex Aquilæ nido Lechicæ cùm hic euolat Ales,  
Ecce volant alieni illum conquirere pulli,  
Atq; ferunt Mitram capiti submittere digno.

Felices animas quibus hoc attingere missum est  
Cælitus, ut vitæ nectant sub Præsulæ tanto  
Stamina, qui promptus metam vos duxit ad alman!

Factum est, Pastorem reperit Vratislauia tantum  
In quo virtutum præclara monilia cernens  
Diuinum reputans auib; conferre secundis  
Hoc opus, hinc cœpit. Lecchos optare secundos.

Ast quoq; Litthauicus Sonipeshinc suauius hinnit  
Subijcit ac se se heroi captare Polono,  
Lentos imponi cupiens vltro sibi frenos,  
Exuit Accipitri postquam probitate ferinam  
Mentem, ac natiuo illius Soleatus honore  
Stat firmus nullis patiens se impellere monstis,

Iam si Tartareis satagens virgere camelis  
Marmaricisque ferox hostis grassari elephantis  
Instaret, minimè hic Gradipes deslectitur hisce:  
Quinimmo Lechicos currens vulgare triumphos  
Prostratis diris Parthis erectus in altum  
Tot partas Patriæ palmas deportat in orbem.

Eccuius ductu mens hæc sopita ferina?  
Bucephalum hunc olim Macedo quis lenijt alter?  
Ille ille antistes erymo Fortissimus, ille  
Vilnensi dederant quem mitia fata cathedræ.

Primus hic in domitum domuit, sapienter habenas  
Consilio ponens & mitis baltea vitæ  
Præcingens capiti, didicit quem solus in antris  
Dilexisse pijs, Diuinis accola seruis.

Ergo istâ lumbos cœpit præcingere chordâ  
Litthauicos, veræ fidei dans lampada claram.  
Hinc gens mitescens petijt iuga dulcia Christi

Deque



Deque suo extrudens contriuit tergo sana  
Permanet vsque hodie cælesti laude triumphans.

Patria quid loquitur de dotibus Accipitrorum  
Eximijs sanè narrandis laudibus impar  
Dulci prosequitur præsentia facta stupore.

Dudum te ô Aquila expectant celantia mortem  
Retia: Bistonicae Lunæ feruoribus vsta  
Quinimò combusta feris in pascua diris  
Venisses, nisi te pullus non degener altis  
Syrtibus erueret toties, & peruigil extans  
Excubias ageret tecum, simul æmulus arti  
Naturæque tuæ, scopulis allidere duris  
Iuuisset more Alcida reuidentibus hydris  
Septenum capitis monstrum vno corripere ictu.

Gaudeat Ætherijs Ales lastræmbius oris,  
Detulit ambrosijs Diuorum quosque nepotes  
Dulci exoptatam delectant nectare vitam.

Frustra terrestri cantamus carmine tantos  
Quæis cæleste melos applauditur ordine miro:  
Præsuleis Tiaris claros, multumque potentes  
Pacificæ quos dona Togæ toto orbe canebant  
Solennes, atroxque Sagum felicia Marte  
Facta fauente gerens, rudibus non suauia Gatis  
Funera causando, celebres ad sidera tollit.

Quisquis ades, cui grata Domus sunt Accipitrinæ  
Lumina, defixos flectas secus æthera vultus  
Enumera cæli lucas, gyrosque meantes  
Et numerabis eos orti qui WIERZBOWIANA  
Styrpe perennabant altas scandendo curules.

Hinc alij vadunt hostili sanguine sparsi  
Aurea quos Regum Zelistaos dextra salutat  
Et cum Magnanimo candentia vulnera stringit.

Sic sic noscit amor necibus sua mēbra relinquit  
Semper vt intacta vigeat caput integritate.

Sunt alij officio clarentes Mercuriali:  
Nuncius hic Diuum est gaudens quoque sede Deorum  
Legatus solus legitur, Consusque fidelis.

Eia videte Domum delectam Wierzbowianam  
Quam Numen Lechicum Diuina oracula censens.  
Quot regno hæc peperit Consos, quot Mercuriosque  
Qui ceteri pedibus nectunt talaria nisu.  
Vt Patria immunis tuto requiescere possit

Vltro



5  
Vltro laboriferis se se miscere periclis  
Audent, nec satagunt propriæ dispendia vitæ  
Tollere, sed cupiunt cunctos tolerare labores,  
Patria tollatur ne vnquam, tetrâq; laboret  
Debilitate, altâ sed pace fruatur in ævum.

Nil ipsis Alpes obstant, nil Caucasus ingens,  
Rumpunt dilectæ splendentia tecta quietis,  
Et blandos vitæ Socios & Pignora chara  
Et mensas siculas spernunt, ac invia quæque  
Calcando subeunt atroces mille labores.

Iasonidæ fausti vndisonos transcendere fluctus  
Haud quaquam ignari, spectatæ vellera pacis  
Lucrantur toties, quoties exquirere Delphos  
Præcipit optatum Patriæ decus ac pia causa.

Huc Mausolei rumpentes vincla sepulchri  
Aditis Proceres ope clari WIERZBOVIANÆ  
Virtutis, præstat Vestrum consurgere Nomen  
Et dare uicturo scribendum in marmore rursus.

En primus de illis verâ virtute Ter Albus  
Castellanus adest nobis Inovlodaviensis  
Et Sismünde Tibi iustum est attollere tumbas  
Fascia quem cinxit vexilli Lanciciensis.

Surgite centeni quosquos Wierzbowskia Virtus  
Condidit, atque frui permisit pace quicquid.  
Impar erit mundo Musarum Munia Vestri  
Vox cantans, cantant fasti sed dulce Lechorum:  
Vt vobis inerat Magnatum nectere corda  
Et pia totius tractare negotia Regni.

Hinc iam si tenuem fas esset claudere rivum,  
Famæque imparibus frenos imponere dictis.  
Non fas rumpentem labijs suspendere vocem,  
Et iustas laudes spatiofo carpere mundo.

Si nullas nossent Maiorum sæcla Tuorum  
Præuia uirtutes, vivis Dignissime Præsul  
Ac viuas laudes longinquos mittis ad Indos:  
Cum gaudes gemino sæcli præsentis honore:  
Alter de Patrio, Patruo alter sanguine manat.

Clarior excelso rantorum sidere Virtus,  
Extremisque oris solennis gloria regnat,  
Et fama exuperans cunctas vaga permeat vrbes,  
Nec finit angustis laudum se istringere fastis.

Sed lubet insignes Musis attingere dotes



Seu potius populi plaudentis vota referre  
Et dare de nostris redeuntem rupibus Echo.

Credite vix unquam Iupiter magis anxius orbi  
Solicito statuit Saturnia mittere sæclâ,

Quam cum Wierzbovia duxit de Styripe Coronam,  
Et Posnæ orbatam Mitram diu supplice turbâ  
Ornans, mansuetis ouibus submittere Athletam  
Dignatus: Duce quo stygias eludere technas  
Discunt, ac sub eo Polemarcho mente feroci  
Audent Tartaræ gentis turbare cateruas,  
Et soli cælesti Agno præstant Hecatomben:

O tanto decies Posnania Præsule fausta!  
Faustior at longè hoc rerum sapiente Catone  
Ordo Senatorum! quoties suavi intonat ore,  
Semper ineuitabilia orbi oracula dictat.

Nec minus hinc Craciæ felix Academia splendor,  
Mater quæ quondam extiterat, nunc Filia plaudit,  
Tutorem fieri grato lætatur alumno.

Lechia Patrono cunctis faustissima tota!  
Pro Te curarum qui ingentia pondera portans  
Nunc agit insomni flagrantia vota labore  
Regia Diuinæ permiscens munera Sedi.  
Et velut entheo cælesti viscera pandens  
Diuinæ laudes conatu differit omni.

Quomodo sed Musæ mundo narrabimus illum?  
Sidera quem celebrem toto orbe volentia pangi  
Dignasque æthereis Virtutes sedibus eius,  
Elegere sibi placidam in ditionibus Aram,  
Hierusalemque nouam fieri cupiere per illum,  
Insolitis signis lætos monstrantia campos:  
Vistula quos placidis in gyrum fluctibus ambit  
Trans freta Diuinam profundens Baltica laudem.

Nec mora mandatû Salomon hic Numinis implet  
Quantumque in terris Diuino munere sumpsit  
In cælos rursus tanta omnia dona refundens  
Consecrat statuens Superûm tot Tempia decori.  
Numen quot plagis germen terrestre redemit.

Inter quæ mediâ floret noua Pallas in æde  
Atque recens Helicon latum circumfluit orbem.

Non tamen & nostas vult corde elidere rupes  
Antistes clemens, statuisse Lubranscia Virtus  
Quas bene dignata est milleno augendo fauore,

At



Ast semper rebus clavis inuisa vetustas  
Hostilisque pios populans dementia fructus  
Vertisset nostræ prælustria culmina sedis,  
Troianæ iungens hæc impia funera cladis:  
Hic nisi Patronus titubantia Pergama fulcro  
Præfulei cordis iuisset, pignus amoris  
Contestans cantaturis sua Nomina Musis.

Ergo Lubrascii fontis veterata reclusit  
Ora, & consumptas vires reuirescere fecit.  
Præstitit æternæ quoque tintinnabula famæ,  
Vnde ceres gratis stipando tempora Musis  
Viuisicisque bonis sæpè harmonica ora coronans  
Grande locuturas totum sustentat in ævum  
Wierzbowiczq; iubet Domui bene plaudere semper.

Hæc sunt, quæ Patruo manant Meritissime Præsul  
Ornamenta Tibi præeuntia sanguine claro:  
Colligis ast totidem Patrio de stemmate gemmas  
Nectens æternam Magno Genitore coronam  
Filius, & solus Patris dilecta corona,  
Exemplar viuum, probitatis imago Paternæ.

Scilicet hoc seruat rerum bene prouida Mater  
Natura, vt similes profundant semina fructus  
Styrpeque de clara generosus profluat ortus.

Vnde fouens alto Genitor sub pectore dulcem  
Ætatum nullo vitandam crimine famam,  
Quâ toties Styrpem repleuit Wierzbowianam,  
Profuit & iam iam Patriæ lapsæ integritatis  
Ora quot Odrysiæ nativâ infringere turbæ  
(Pectora Threicijs firmè opponendo pharetris)  
Dignatus Soleâ, ac iucundo, mordicus ausu  
Xerxeas plane inuictus turbando cateruas,  
Bistona non trepidus protrusit corde virili,  
Ostenditq; Viros non solam gignere spartam.

O dignam decies dextram! cui credere tutò  
Possint armigeri heroes Insignia Martis,  
Oreque Magnanimo prospectent classica belli,  
En manibus tantis vexillum Lanciciense  
Splendet, & attriti testatur dogmata Turcæ.  
Cernite gestantem Insigne hoc, faustèque gerentem,  
Attollit dextram quoties, toties in Tartara diros  
Accendit bellaturos lato omine Lecchos.

Ast parum reputans Heroi Patria tantò

Plus



Plus parat excelsi Patrono huic condere honoris,  
Oprat eburato citius splendere curuli,  
Splendeat à tanto magis vt dotata camillo.

Verùm Author pacis solitus conquirere pacem  
Pro Patria, pro se quoq; suauiter ambit eandem.  
Eligit optatam pacatus ducere vitam,  
Perspicuos alijs dignans comittere fascēs,  
Pro meritis proprijs solà gaudendo quiete.

Sæpius inuitum sublime inuitat honoris  
Culmen, & excelsam suadet non spernere famam;  
Sedatus Marius renuens sed scandere celsum,  
Consult intutum hoc alijs immittere donum.

O quantò longè meliùs præcella mereri  
Munia, quamq; illis dextram præbere sagacem!  
Candidus hoc Regni Ciuis diu pondere mentis  
Sollicitè uersans, semper communia curans  
Priuatà cupijt vivax in sorte manere.

Falleris inde tamen (nobis Vir parce benigne)  
Pacatam reputans præsentem existere vitam.  
Non est priuatus, meriti quem copia terris  
Pandit, & immensum decantat gloria parta.  
Si tamen hoc fieret solo Te Consule visum,  
Publica de Magno non Te finit aura Nepote.

Iam pius Anchises populi certissima vota  
Æneam nutrit, Patriæ non irrita fulcra  
Atque suæ columen venerandæ grande senectæ.  
Quare optans olim laribus prodesse Polonis  
Sincerus Chiron generosum præbet Achillem.  
Et ne vnquam Paridum missilia tela nocerent  
Castalio cerebrum mox prouidus abluit amne.

Ausoniæ sed eum subito sumpsere camœnæ  
Indolis ingenio tantæ florere perentes.  
Respondit votis iuuenis pulcherrimus almis,  
Cum extemplò Roma eximio perfusa stupore,  
Moribus ex teneris coniecit nil mediocrē,  
Omnia sed meritò censens præcella futura  
Sarmaticæ genti decus hoc inuisa canebat:  
Maturusne senex an adhuc florentē iuuentà  
Præstaret tantum decoris, diu pondere mentis  
Attonitæ quassata stetit mirataq; dotes.  
Iamque illum siue ornanti sua viscera Mitræ  
Seu cataphractorum cupiens præponere fronti,



Spe magnâ Ausonios voluit dotare Penates.

Quis tamen ignorat, quantâ dulcedine cunctos  
Oblestat natale solum, tumque allicit ad se,  
Scintillâ simili candoris pectore toto  
Vir dignus flagrans, replet domestica vota,  
Iucundum Patriæ properans transcendere limen.

Hic simul impleuit Romam variata dolore  
Sors, quam præfixis audens eludere donis,  
Optatum Lechicas rursus deportat in oras.

Regia tunc mirè pergratum Gaza salutans  
Postibus excelsis annectere tentat eundem.  
Æstuat inuictum Celsi cor Principis hocce  
Arcanis uti in strictis Ganymede fideli.

Accelerant Consi optantes Insigne Parentis,  
Candida quem Virtus prouectâ ætate beando,  
Decrepitum liberat Vexilli pondere claro.

Prouocat ad tetras atrox Bellona cateruas  
Inque sinum profert iactans sua munia Mauors.  
Tunc zelans heros velut alter Mutius ardens  
Talia consilio grandi in se voluere cœpit;  
Sæpeque de tacita hæc erupit gloria mente:

O mihi quis tribuat, præsentem ut pendere vitam  
Ocyus & proprio fluitare in sanguine possim,  
Dummodò sorbentes Patriam compescere hiatus  
Occiduus valeam non serò Curtius alter,

Verte sed infixum passum Vir Maxime verte:  
Altera namque suum Te expectat Vineæ sponsum.  
Non vni Patriæ fies mox strenuus heros,  
Sed fies cælis gratus sine sanguine Martyr:  
Cum Tua non renues sacratæ pectora doti  
Et celsam tribues mentem donare Tonanti.

Arripuit traxitque Virum fax mentis honesta  
Gloria, quæ superos semper dispensat honores.  
Iam lumbos alacris cingit, iam suauia Christi  
Deportare iuga assuescit, iam nectare miro  
Fundit inexhaustum flumen coeleste salutis.

Fit legum Mitæq; tuæ Polnania Custos:  
Sic sanè decuit, tantos conferre decores  
Huic, qui cunctorum scit custodire salutem.  
Euge sed in paucis Diuorum serue fidelis,  
Non præstat modio præclaram condere lucem,  
Cara nec in modicis tam diu versare talenta.



Conuenit in celso fulgere hoc culmine lumen,  
Latius ut visâ morum probitate piorum  
Arbiter æternus per cunctos glorificetur.

Et merito maior pridemque hoc Præsule digna  
Occurrit sedes Polnenfis Præposituræ.

Hac pius effulgens Præsul lustro amplius vno  
Vota Peraugustæ liquidè claudendo Coronæ  
Officio dignè Meritissimus Officialis  
Respondit, suauis curans profundere suadas.

Verùm Virtutem veram donec explet in æquo  
Eluatur honos, patitur nec sumere frenos  
In vetitum tendit, sibi debita culmina quærens  
Angustis rarò pariens se claudere tectis.

Hoc medio Præsul noster dum luce coruscat  
Longè virtutum Phariam dimittere flammam  
Non cessans, semper cælestes ardet ad Aras,  
Et specimen clarum Diuino præbet ouili,  
Inclita sic cupiens uitæ connectere fila.

Macte sed ô præstans animo Præsul pie macte!  
Coelitus en directus honos Tua recta subire  
Quærit, & illustrem Capiti committere Mitram  
Accedit, supero veniens à Numine missus.

Ergone Diuinos audes dissoluere nexus?  
Audes Fatorum fugiens vitare statuta?  
Siste gradum, atq; humeros tanto submitte labori  
Quem tibi Fessenfis diu supplex Infula monstrat.

Factum est Antistes renuens non templa Laboris,  
Quem sed Honos longo luctantem tempore nouit,  
Instinctu Supèrum ceruices flectere Mitræ  
Iam renuit minimè: quem Vos cernendo Sodales  
Atq; omnis tanto congaudens turba decore,  
Pulsando lætis optantia sidera choris,  
Exortum in terris venerari currite Sidus,  
Tam faustumq; diem æternis præbete columnis.

Amplius ast fragilem fandi concedere cymbam  
Infreta Virtutis non præstat Wierzbovianæ  
Quærit aquas in aquis & poma fugacia captat.  
Tantalus, ut fama est, causâ formidine torpens,  
Garrula probrosas cui poenas ora dedere.  
Et nos Tantaleus maneat ne casus, Apollo  
Wierzboviam dignè ignorantes psallere famam,  
Ad ripam rursus pauitancia vela repelle,

Pectore



8

Pectore nobiscum tacito potiùs venerare  
 Wierzbovias dores; Sed eat iucunda per orbem,  
 Gloria decantans Virtutes Accipitrinas.  
 Iam Musæ tanto deffessæ pondere riuos  
 Claudimus, atq; simul tecum resonamus Apollo  
 Vnica Præfuleæ probitati vota canendo:  
 O qui Nominibus cùm sit generosus Auitis,  
 Omne decus generis superat morum integritate!  
 Qui dat & extinctos iteratò viuere Manes,  
 Is reuocet Piliæ firmissima stamina vitæ  
 Et tanto ætatem tribuens Antistite dignam  
 Posthuma dulciferis operum eius sæcula donis  
 Confirmet, faciensque diu pia facta vigere,  
 Gemmifero blandè hæc conspergat vellera rore:  
 Vt iuga montis aper, fluuios dum piscis amabit  
 Dumq; thymo pascentur apes, dum rore cicadæ  
 Tot numerans Præsul suaues Hieronymus annos  
 Viuat, & augustam Virtutis fundat ad Indos  
 Famam, ac SACRATO stipatus NOMINE, Musis  
 Sacras Virtutes fundendas tradat in ævum.













